

1578, 16 octobre. – Sarzeau

Procès-verbal de descente du sénéchal de Rhuys au couvent des trinitaires de Sarzeau [extrait].

AD 56, 56 H 5

/1/ [...] Avons /2/ faict comparoir devant nous frere Jehan /3/ Le Jobieux, ministre¹ dudict Sarzau, ensemble /4/ freres Ollivier Le Calvé, religieulx² /5/ et frere Nouël Le Corre aussi religieulx /6/ profeix, quelz ledict ministre nous a dict estre /7/ ses religieulx qu'il a pour le presant. /8/ Et parce que il n'a le nombre des religieulx /9/ qu'il doict avoir suyvant la fondation de son /10/ couvent qui est de trois religieulx et ung novice, /11/ luy faisant le quatriesme, a prins ung prebtres /12/ appellé³ dom Jan Salamon, lequel les aide /13/ à faire le service quil ilz font tous les /14/ jours en ladicte eglise suivant et au desir de la /15/ fondation de ladicte ministrerie, qui est de dire et /16/ celebrer chainchun⁴ jour à dix heures du matin /17/ une basse messe, vespree et conplies, et /18/ devantaige à chainchun⁴ jour de lunedy une messe /19/ de requiem à haulte voix fondee par feu de bonne /20/ memoire la royne Anne, à qui Dieu absolve. Et outre /21/ ce, faict dire à toutes festes solenpnelles /22/ matines et la grande messe à notte⁵. Et /23/ ce faict nous sommes transportez en l'ohospital dudict /24/ couvent où avons trouvé deulx lictz /25/ garnis de couettes de plume et couverture /26/ et linceulx pblancz prestz à recevoir les /27/ pauvres passanz et souffreteulx, ce que /28/ nous dict ledict ministre faire ordinairement /29/ lors qu'il passe pauvres estrangers, mesmes /30/ tenir bailler l'aumosne et n'en reffuzer /31/ aucun. Sur quoy avons faict comparoir devant /32/ nous nobles gens Guillaume Jocet, sieur /33/ de Kervillart, Jan du Len, sieur de Beausolleil, aultre /34/ Jehan du Len, sieur de Couëtuhel, Louis Cadoret, /35/ sieur de Kercambre, Mathurin Destimbriec, /36/ sieur de Villenneuve, dom Pierre Pizigo, dom /37/ Ollivier Le Digabel, prebtres, Jan Loget, Gillet /38/ [Truscay], Tristan Fraval et Laurans Le Guyader, /39/ voisins dudict ministre, quelz leurs sermentz /40/ prins de dire veritté, purgez de conseil /41/ et separement enquis, nous ont dict avoir /42/ assisté par et asister presque ordinairement /43/ au services faict et cellebré en ladicte ministrerie /44/ et le contenu au proces-verbal cy /45/ -dessus estre veritable [...]

¹ Titre donné au supérieur du couvent.

² « et nous » qui suivent, raturé.

³ « dont » qui suit, raturé.

⁴ Sic. Mis pour « chacun ».

⁵ Une messe à note est une messe chantée, dite aussi messe haute.